

史記



趙

魏

韓



九

九



史記卷第四十三

楚 鍾惺 批評

趙世家十三

趙氏之先與秦共祖至中衍為帝太戊御其後世蜚廉有子二人而命其一子曰惡來事紂為周所殺其後為秦惡來弟曰季勝其後為趙季勝生孟增孟增幸於周成王是為宅宰狼臯狼生衡父衡父生造父造父幸於周繆王造父取驥之乘匹與桃林盜驪驂驪騾耳獻之繆王繆

漢書卷四十三
趙世家書印



楚 鍾惺 批評

史記卷第四十三 趙世家

王使造父御西巡狩見西王母樂之忘歸而徐偃王反繆王目馳千里馬攻徐偃王破之乃賜造父以趙城由此爲趙氏自造父已下六世至奄父曰公仲周宣王時伐戎爲禦及于畝戰奄父脫宣王奄父生叔帶叔帶之時周幽王無道去周如晉事晉文侯始建趙氏于晉國自叔帶以下趙宗益興五世而生趙夙夙晉獻公之十六年伐霍魏耿而趙夙爲將伐霍霍公求犇齊晉大旱卜之曰霍太山爲祟使趙夙召霍

君於齊復之以奉霍太山之祀晉復穰晉獻公賜趙夙耿夙生共孟當魯閔公之元年也共孟生趙衰字子餘趙衰卜事晉獻公及諸公子莫吉卜事公子重耳吉即事重耳重耳以驪姬之亂亡奔翟趙衰從翟伐厲咎如得二女翟以其少女妻重耳長女妻趙衰而生盾初重耳在晉時趙衰妻亦生趙同趙括趙嬰齊趙衰從重耳出亡凡十九年得反國重耳爲晉文公趙衰爲原大夫居原在國政文公所以反國及霸多趙

衰計策語在晉事中趙衰既反晉晉之妻固要迎翟妻而以其子盾爲適嗣晉妻三子皆下事之晉襄公之六年而趙衰卒諡爲成季趙盾代成季任國政二年而晉襄公卒太子夷臯年少盾爲國多難欲立襄公弟雍雍時在秦使使迎之太子母日夜啼泣頓首謂趙盾曰先君何罪釋其適子而更求君趙盾患之恐其宗與大夫襲誅之廼遂立太子是爲靈公發兵距所迎襄公弟於秦者靈公既立趙盾益專國政靈公立

十四年益驕趙盾驟諫靈公弗聽及食熊蹯膾不熟殺宰人持其尸出趙盾見之靈公由此懼欲殺盾盾素仁愛人嘗所食桑下餓人反扞救盾盾以得亡未出境而趙穿弒靈公而立襄公弟黑臀是爲成公趙盾復反任國政君子譏盾爲正卿亡不出境反不討賊故太史書曰趙盾弒其君晉景公時而趙盾卒諡爲宣孟子朔嗣趙朔晉景公之三年朔爲晉將下軍救鄭與楚莊王戰河上朔娶晉成公姊爲夫人晉景公之

事有可筆諸書
而不可見諸事
者太史書趙盾
弑其君可也直
以弑君之刑刑
之不可也屠岸
賈滅趙宗畢竟
是董狐一語作

曰趙盾不恤也

三年大夫屠岸賈欲誅趙氏初趙盾在時夢見
叔帶持要而哭甚悲已而笑拊手且歌盾卜之
兆絕而後好趙史援占之曰此夢甚惡非君之
身乃君之子然亦君之咎至孫趙將世益衰屠
岸賈者始有寵於靈公及至於景公而賈為司
寇將作難乃治靈公之賊以致趙盾徧告諸將
曰盾雖不知猶為賊首以臣弑君子孫在朝何
以懲臯請誅之韓厥曰靈公遇賊趙盾在外吾
先君以為無臯故不誅今諸君將誅其後是非

先君之意而今妄誅妄誅謂之亂臣有大事而
君不聞是無君也屠岸賈不聽韓厥告趙朔趣
亡朔不肯曰子必不絕趙祀朔死不恨韓厥許
諾稱疾不出○全趙祀自是韓厥始終之朔曰子
必不絕趙祀誠許諾從何處許諾
之朔此時未一言及程嬰公孫杵臼也無程嬰
公孫杵臼厥將不全趙祀乎稱疾不出其際甚
微難以賈不請而擅與諸將攻趙氏於下宮殺
告人也趙朔趙同趙括趙嬰齊皆滅其族趙朔妻成公
姊有遺腹走公宮匿趙朔客曰公孫杵臼杵臼
謂朔友人程嬰曰胡不死程嬰曰朔之婦有遺

史記 卷四十三 趙世家

腹若幸而男吾奉之即女也吾徐死耳居無何而朔婦免身生男屠岸賈聞之索於宮中夫人置兒絝中祝曰趙宗滅乎若號即不滅若無聲及索兒竟無聲已脫程嬰謂公孫杵臼曰今一索不得後必且復索之奈何公孫杵臼曰立孤與死孰難程嬰曰死易立孤難耳公孫杵臼曰趙氏先君遇子厚子彊爲其難者吾爲其易者請先死乃二人謀取他人嬰兒負之衣以文葆匿山中程嬰出謬謂諸將軍曰嬰不肖不能立

千酒萬事以求
一像生象物勃

趙孤誰能與我千金吾告趙氏孤處諸將皆喜許之發師隨程嬰攻公孫杵臼杵臼謬曰小人哉程嬰昔下宮之難不能死與我謀匿趙氏孤兒今又賣我縱不能立而忍賣之乎抱兒呼曰天乎天乎趙氏孤兒何罪請活之獨殺杵臼可也諸將不許遂殺杵臼與孤兒諸將以爲趙氏孤兒良已死皆喜然趙氏真孤乃反在程嬰卒與俱匿山中居十五年晉景公疾卜之大業之後不遂者爲祟景公問韓厥厥知趙孤在乃曰

大業之後在晉絕祀者其趙氏乎夫自中衍者皆羸姓也中衍人而鳥喙降佐殷帝太戊及周天子皆有明德下及幽厲無道而叔帶去周適晉事先君文侯至于成公世有立功未嘗絕祀今吾君獨滅趙宗國人哀之故見龜策唯君圖之景公問趙尚有後子孫乎韓厥具以實告於是景公乃與韓厥謀立趙孤兒召而匿之宮中諸將入問疾景公因韓厥之衆以脅諸將而見趙孤趙孤名曰武諸將不得已乃曰昔下宮之

難屠岸賈爲之矯以君命并命羣臣非然孰敢作難微君之疾羣臣固且請立趙後今若有命羣臣之願也於是召趙武程嬰徧拜諸將遂反與程嬰趙武攻屠岸賈滅其族復與趙武田邑如故及趙武冠爲成人程嬰乃辭諸大夫謂趙武曰昔下宮之難皆能死我非不能死我思立趙氏之後今趙武既立爲成人復故位我將下報趙宣孟與公孫杵臼趙武啼泣頓首固請曰武願苦筋骨以報子至死而子忍去我死乎程

嬰曰不可彼以我為能成事故先我死今我不報是以我事為不成遂自殺趙武服齊襄三年為之祭邑春秋祠之世世勿絕趙氏復位十一年而晉厲公殺其大夫三卻欒書畏及乃遂弑其君厲公更立襄公曾孫周是為悼公晉由此大夫稍彊趙武續趙宗二十七年晉平公立平公十二年而趙武為正卿十三年吳延陵季子使於晉曰晉國之政卒歸於趙武子韓宣子魏獻子之後矣趙武死謚為文子文子生景叔景

此春秋變而為
戰國之形也識
者早者破矣

叔之時齊景公使晏嬰於晉晏嬰與晉叔向語嬰曰齊之政後卒歸田氏叔向亦曰晉國之政將歸六卿六卿侈矣而吾君不能恤也趙景叔卒生趙鞅是為簡子趙簡子在位晉頃公之九年簡子將合諸侯成于周其明年入周敬王于周辟弟子朝之故也晉頃公之十二年六卿以法誅公族祁氏羊舌氏分其邑為十縣六卿各令其族為之大夫晉公室由此益弱後十三年魯賊臣陽虎來奔趙簡子受賂辱遇之趙簡子

史記
卷四十三
趙世家
七

扁鵲醫也而其
言近至奇甚引
本初公事博通
辯悟醫豈易言

疾五日不知人大夫皆懼醫扁鵲視之出董安
于問扁鵲曰血脈治也而何怪在昔秦繆公嘗
如此七日而寤寤之曰告公孫支與子輿曰我
之帝所甚樂吾所以久者適有學也帝告我晉
國將大亂五世不安其後將霸未老而死霸者
之子且令而國男女無別公孫支書而藏之秦
讖於是出矣獻公之亂文公之霸而襄公敗秦
師於殽而歸縱淫此子之所聞今主君之疾與
之同不出三日疾必間間必有言也居二日半

簡子寤語大夫曰我之帝所甚樂與百神遊於
鈞天廣樂九奏萬舞不類三代之樂其聲動人
心有一熊欲來援我帝命我射之中熊熊死又
有一羆來我又射之中羆羆死帝甚喜賜我二
笥皆有副吾見兒在帝側帝屬我一翟犬曰及
而子之壯也以賜之帝告我晉國且世衰七世
而亡嬴姓將大敗周人於范魁之西而亦不能
有也今余思虞舜之勲適余將以其冑女孟姚
配而七世之孫董安于受言而書藏之以扁鵲

言告簡子簡子賜扁鵲田四萬畝他日簡子出
有人當道辟之不去從者怒將刃之當道者曰
吾欲有謁於主君從者以聞簡子召之曰請吾
有所見子晰也當道者曰屏左右願有謁簡子
屏人當道者曰主君之疾臣在帝側簡子曰然
有之子之見我我何爲當道者曰帝令主君射
熊與羆皆死簡子曰是且何也當道者曰晉國
且有難主君首之帝令主君滅二卿夫熊與
羆皆其祖也簡子曰帝賜我二笥皆有副何也

當道者曰主君之子將克二國於翟皆子姓也
簡子曰吾見兒在帝側帝屬我一翟犬曰及而
子之長以賜之夫兒何謂以賜翟犬當道者曰
兒主君之子也翟犬者代之先也主君之子且
必有代及主君之後嗣且有革政而胡服并二
國於翟簡子問其姓而延之以官當道者曰臣
野人致帝命耳遂不見簡子書藏之府異日姑
布子卿見簡子簡子徧召諸子相之子卿曰無
爲將軍者簡子曰趙氏其滅乎子卿曰吾嘗見

史記卷四十三 趙世家
一子於路殆君之子也。簡子召子母卹，母卹至則子卿起曰：「此真將軍矣。」簡子曰：「此其母賤，翟婢也。」奚道貴哉？子卿曰：「天所授，雖賤必貴。」自是之後，簡子盡召諸子與語，母卹最賢。簡子乃告諸子曰：「吾藏寶符於常山上，先得者賞。」諸子馳之常山上，求無所得。母卹還曰：「已得符矣。」簡子曰：「秦之母卹曰：『從常山上，臨代代可取也。』」簡子於是知母卹果賢，乃廢太子伯魯而以母卹爲太子。後二年，晉定公之十四年，范中行作亂，明

樂春簡子謂邯鄲大夫午曰：「歸我衛氏五百家，吾將置之晉陽。」午許諾歸，而其父兄不聽，倍言。趙鞅捕午囚之晉陽，乃告邯鄲人曰：「我私有誅午也。」諸君欲誰立，遂殺午。趙稷涉賓以邯鄲反。晉君使籍秦圍邯鄲，荀寅、范吉射與午善，不肯助秦，而謀作亂。董安于知之，十月，范中行氏伐趙鞅，鞅奔晉陽。晉人圍之，范吉射、荀寅仇人魏襄等謀逐荀寅，以梁嬰父代之。遂吉射，以范臯繹代之。荀躒言於晉侯曰：「君命大臣始亂者死。」

今三臣始亂而獨逐鞅用刑不均請皆逐之十一月荀躒韓不佞魏駸奉公命以伐范中行氏不克范中行氏反伐公公擊之范中行敗走丁未二子奔朝歌韓魏以趙氏爲請十二月辛未趙鞅入絳盟于公宮其明年知伯文子謂趙鞅曰范中行雖信爲亂安于發之是安于與謀也晉國有法始亂者死夫二子已伏罪而安于獨在趙鞅患之安于曰臣死趙氏定晉國寧吾死晚矣遂自殺趙氏以告知伯然後趙氏寧孔子

聞趙簡子不請晉君而執耶鄆午保晉陽故書春秋曰趙鞅以晉陽畔趙簡子有臣曰周舍好直諫周舍死簡子每聽朝常不悅大夫請舉簡子曰大夫無臯吾聞千羊之皮不如一狐之腋諸大夫朝徒聞唯唯不聞周舍之鄂鄂是以憂也簡子由此能附趙邑而懷晉人晉定公十八年趙簡子圍范中行于朝歌中行文子奔耶鄆明年衛靈公卒簡子與陽虎送衛太子蒯聩于衛衛不內居戚晉定公二十一年簡子拔耶鄆

中行文子奔栢人簡子又圍栢人中行文子范
昭子遂奔齊趙竟有邯鄲栢人范中行餘邑入
于晉趙名晉卿實專晉權奉邑侔於諸侯晉定
公三十年定公與吳王夫差爭長於黃池趙簡
子從晉定公卒長吳定公三十七年卒而簡子
除三年之喪期而已是歲越王勾踐滅吳晉出
公十一年知伯伐鄭趙簡子疾使太子毋卹將
而圍鄭知伯醉以酒灌擊毋卹毋卹羣臣請死
之母卹曰君所以置毋卹爲能忍詢然亦愠知

此○七○智○伯○之○水○

伯知伯歸因謂簡子使廢毋卹簡子不聽毋卹
○竟○簡○
由此怨知伯晉出公十七年簡子卒太子毋卹

代立是爲襄子趙襄子元年越圍吳襄子降喪
食使楚隆問吳王襄子姊前爲代王夫人簡子
旣葬未除服北登及屋請代王使厨人操銅料
以食代王及從者行斟陰令宰人各以料擊殺
代王及從者遂興兵平代地其姊聞之泣而呼
天靡笄自殺代人憐之所死地名之爲靡笄之
山遂以代封魯伯子周爲代成君伯魯者襄子

兄故太子太子蚤死故封其子襄子立四年知伯與趙韓魏盡分其范中行故地晉出公怒告齊魯欲以伐四卿四卿恐遂共攻出公出公奔齊道死知伯乃立昭公曾孫驕是爲晉懿公知伯益驕請地韓魏韓魏與之請地趙趙不與以其圍鄭之辱知伯怒遂率韓魏攻趙趙襄子懼乃奔保晉陽原過從後至於王澤見三人自帶以上可見自帶以下不可見與原過竹二節莫通曰爲我以是遺趙毋卹原過既至以告襄子

襄子齊三日親自剖竹有朱書曰趙毋卹余霍泰山山陽侯天使也三月丙戌余將使女反滅知氏女亦立我伯邑余將賜女林胡之地至于後世且有仇王亦黑龍面而烏鬚麋髭頤大膺大胷修下而馮左雍界乘奄有河宗至于休溷諸貉南伐晉別北滅黑姑襄子再拜受三神之令三國攻晉陽歲餘引汾水灌其城城不浸者三版城中懸釜而炊易子而食羣臣皆有外心禮益慢唯高共不敢失禮襄子懼乃夜使相

張孟同私於韓魏韓魏與合謀以三月丙戌三國反滅知氏共分其地於是襄子行賞高共爲上張孟同曰晉陽之難唯共無功襄子曰方晉陽急羣臣皆懈惟共不敢失人臣禮是以先之於是趙北有代南并知氏疆於韓魏遂祠三神於百邑使原過主霍泰山祠祀其後娶室同氏生五子襄子爲伯魯之不立也不肯立子且必欲傳位與伯魯子代成君成君先死乃取代成亦人所驚君于浣立爲太子襄子立三十三年卒浣立是

爲獻侯獻侯少即位治中牟襄子弟桓子遂獻侯自立於代一年卒國人曰桓子立非襄子意乃共殺其子而復迎立獻侯十年中山武公初立十三年城平邑十五年獻侯卒子烈侯籍立烈侯元年魏文侯伐中山使太子擊守之六年魏韓趙皆相立爲諸侯追尊獻子爲獻侯烈侯好音謂相國公仲連曰寡人有愛可以貴之乎公仲曰富之可貴之則否烈侯曰然夫鄭歌者槍石二人吾賜之田以萬畝公仲曰諾不與居

此○二○語○亦○用○於○魏○法○也
則○不○能○別○想○矣

只○得○如○此○然

史記 卷四十三 魏世家

一月烈侯從代來問歌者田公仲曰求未有可○此○時○正○欲○別○尋

者有頃烈侯復問公仲終不與乃稱疾不朝○此○一○時○著○疾○處○奪

吾君自代來謂公仲曰君實好善而未知所持○此○時○著○疾○處○奪

也○此○時○著○疾○處○奪也番吾君曰牛畜荀欣徐越皆可公仲乃進三

人及朝烈侯復問歌者田何如公仲曰方使擇○此○時○著○疾○處○奪

其善者牛畜侍烈侯以仁義約以王道烈侯適○此○時○著○疾○處○奪

然明目荀欣侍以選練舉賢任官使能明日徐○此○時○著○疾○處○奪

越侍以節財儉用察度功德所與無不充君說○此○時○著○疾○處○奪

烈侯使使謂相國曰歌者之田且止官牛畜為○此○時○著○疾○處○奪

師荀欣為中尉徐越為內史賜相國衣二襲九○此○時○著○疾○處○奪

年烈侯卒弟武公立武公十三年卒趙復立烈○此○時○著○疾○處○奪

侯太子章是為敬侯是歲魏文侯卒敬侯元年○此○時○著○疾○處○奪

武公子朝作亂不克出奔魏趙始都邯鄲二年○此○時○著○疾○處○奪

敗齊于靈丘三年救魏于廩丘大敗齊人四年○此○時○著○疾○處○奪

魏敗我兔臺築剛平以侵衛五年齊魏為衛攻○此○時○著○疾○處○奪

趙取我剛平六年借兵於楚伐魏取棘蒲八年○此○時○著○疾○處○奪

拔魏黃城九年伐齊齊伐燕趙救燕十年與申○此○時○著○疾○處○奪

山戰于房子十一年魏韓趙共滅晉分其地伐
中山又戰于中人十二年敬侯卒子成侯種立
成侯元年公子勝與成侯爭立爲亂二年六月
雨雪三年大戊午爲相伐衛取鄉邑七十三衛
敗我蘭四年與秦戰高安敗之五年伐齊于鄆
魏敗我懷攻鄭敗之以與韓韓與我長子六年
中山築長城伐魏敗涿澤圍魏惠王七年侵齊
至長城與韓攻周八年與韓分周以爲兩九年
與齊戰阿下十年攻衛取甄十一年秦攻魏趙

救之石阿十二年秦攻魏少梁趙救之十三年
秦獻公使庶長國伐魏少梁虜其太子座魏敗
我澮取皮牢成侯與韓昭侯遇上黨十四年與
韓攻秦十五年助魏攻齊十六年與韓魏分晉
封晉君以端氏十七年成侯與魏惠王遇葛孽
十九年與齊宋會平陸與燕會阿二十年魏獻
榮椽因以爲檀臺二十一年魏圍我邯鄲二十
二年魏惠王拔我邯鄲齊亦敗魏于桂陵二十
四年魏歸我邯鄲與韓盟漳水上秦攻我蘭二

十五年成侯卒公子緜與太子肅侯爭立緜敗亡奔韓肅侯元年奪晉君端氏徙處屯留二年與魏惠王遇於陰晉三年公子范襲邯鄲不勝而死四年朝天子六年攻齊拔高唐七年公子刻攻魏首垣十一年秦孝公使商君伐魏虜其將公子卬趙伐魏十二年秦孝公卒商君死十五年起壽陵魏惠王卒十六年肅侯游大陵出於鹿門大戊午扣馬曰耕事方急一日不作百日不食肅侯下車謝十七年圍魏黃不克築長

城十八年齊魏伐我我決河水灌之兵去二十二年張儀相秦趙疵與秦戰敗秦殺疵河西取我藺離石二十三年韓舉與齊魏戰死于桑丘二十四年肅侯卒秦楚燕齊魏出銳師各萬人來會葬子武靈王立武靈王元年陽文君趙豹相梁襄王與太子嗣韓宣王與太子倉來朝信宮武靈王少未能聽政博聞師三人左右司過三人及聽政先問先王貴臣肥義加其秩國三老年八十月致其禮三年城鄗四年與韓會于

區鼠五年娶韓女爲夫人八年韓擊秦不勝而去五國相王趙獨否曰無其實敢處其名乎令國人謂已曰君九年與韓魏共擊秦秦敗我斬首八萬級齊敗我觀澤十年秦取我西都及中陽齊破燕燕相子之爲君君反爲臣十一年王召公子職於韓立以爲燕王使樂池送之十三年秦拔我蘭虜將軍趙莊楚魏王來過邯鄲十四年趙何攻魏十六年秦惠王卒王遊大陵他日王夢見處女鼓琴而歌詩曰美人熒熒兮顏

孟姚事七世前
帝止之矣計大
英雄始終結局
盡於一夢異哉

若若之榮命乎命乎曾無我羸異日王飲酒樂數言所夢想見其狀吳廣聞之因夫人而內其女娃羸孟姚也孟姚其有寵於王是爲惠后十七年王出九門爲野臺以望齊中山之境十八年秦武王與孟說舉龍文赤鼎絕臏而死趙王使代相趙固迎公子稷於燕送歸立爲秦王是爲昭王十九年春正月大朝信宮召肥義與議天下五日而畢王北略中山之地至於房子遂之代北至無窮西至河登黃華之上召樓緩謀

史記
卷四十三
趙世家
十八
大康堂

曰我先王因世之變以長南藩之地屬阻障滄
 之險立長城又取蘭邪狼敗林人於雀而功未
 遂今中山在我腹心北有燕東有胡西有林胡
 樓煩秦韓之邊而無彊兵之救是亡社稷奈何
 夫有高世之名必有遺俗之累○文○然○吾欲胡服樓緩
 曰善羣臣皆不欲於是肥義侍王曰簡襄主之
 烈計胡翟之利為人臣者寵有孝悌長幼順明
 之節通有補民益主之業此兩者臣之分也今
 吾欲繼襄主之跡開於胡翟之鄉而卒世不見

胡服為教騎射
 耳教騎射可也
 何必胡服入主
 以騎射之故胡
 服則騎射重矣
 騎射重而後能
 教民騎射此胡
 服意也○是錯
 欲以中國而用
 夷狄之長技者
 也武靈王欲奪
 夷狄之長技而
 為中國有者也

也為敵弱用力少而功多可以毋盡百姓之勞
 而序往古之勲夫有高世之功者負遺俗之累
 有獨智之慮者任驚民之怨今吾將胡服騎射
 以教百姓而世必議寡人奈何肥義曰臣聞疑
 事無功疑行無名王既定負遺俗之慮殆無顧
 天下之議矣夫論至德者不和於俗成大功者
 不謀於眾昔者舜舞有苗禹袒裸國非以養欲
 而樂志也務以論德而約功也愚者闇成事智
 者覩未形則王何疑焉王曰吾不疑胡服也吾

愚憊傲語高出
英雄其妙在于
頑鈍惟其頑鈍
所以果決

○恐○天○下○笑○我○也○。○狂○夫○之○樂○。○智○者○哀○焉○。○愚○者○所○笑○。
○賢○者○察○焉○。○世○有○順○我○者○。○胡○服○之○功○。○未○可○知○也○。○雖○
○驅○世○以○笑○我○。○胡○地○中○山○。○吾○必○有○之○。○於○是○遂○胡○服○。
○矣○。○使○王○繅○告○公○子○成○曰○。○寡○人○胡○服○。○將○以○朝○也○。○亦○
○欲○叔○服○之○家○。○聽○於○親○。○而○國○聽○於○君○。○古○今○之○公○行○
○也○。○子○不○反○親○。○臣○不○逆○君○。○兄○弟○之○通○義○也○。○今○寡○人○
○作○教○易○服○。○而○叔○不○服○。○吾○恐○天○下○議○之○也○。○制○國○有○
○常○利○民○爲○本○。○從○政○有○經○。○令○行○爲○上○。○明○德○先○論○於○
○賤○。○而○行○政○先○信○於○貴○。○今○胡○服○之○意○。○非○以○養○欲○而○

○樂○志○也○。○事○有○所○止○。○而○功○有○所○出○。○事○成○功○立○。○然○後○
○善○也○。○今○寡○人○恐○叔○之○逆○從○政○之○經○。○以○輔○叔○之○議○。
○且○寡○人○聞○之○。○事○利○國○者○行○無○邪○。○因○貴○戚○者○名○不○
○累○。○故○願○慕○公○叔○之○義○。○以○成○胡○服○之○功○。○使○繅○謁○之○
○叔○。○請○服○焉○。○公○子○成○再○拜○稽○首○曰○。○臣○固○聞○王○之○胡○
○服○也○。○臣○不○佞○寢○疾○。○未○能○趨○走○以○滋○進○也○。○王○命○之○
○臣○敢○對○。○因○竭○其○愚○忠○曰○。○臣○聞○中○國○者○。○蓋○聰○明○徇○
○智○之○所○居○也○。○萬○物○財○用○之○所○聚○也○。○賢○聖○之○所○教○
○也○。○仁○義○之○所○施○也○。○詩○書○禮○樂○之○所○用○也○。○異○敏○技○

文似國語

能之所試也。遠方之所觀赴也。蠻夷之所義行也。今王舍此而襲遠方之服，變古之教，易古之道，逆人之心，而佛學者，雖中國故臣，願王圖之也。使者以報，王曰：昔固聞叔之疾也，我將自往請之。王遂往之。公子成家，因自請之曰：夫服者，所以便用也。禮者，所以便事也。聖人觀鄉而順宜，因事而制禮，所以利其民而厚其國也。夫剪髮文身，錯臂左衽，甌越之民也。黑齒雕題，却冠絺紬，大吳之國也。故禮服莫同，其便一也。鄉異

而用變事，異而禮易，是以聖人果可以利其國，不一其用，果可以便其事，不同其禮。儒者一師而俗異，中國同禮而教離，況於山谷之便乎？故去就之變，智者不能一，遠近之服，聖賢不能同。窮鄉多異，曲學多辯，不知而不疑，異於已而非者，公焉而衆求盡善也。今叔之所言者，俗也。吾所言者，所以制俗也。吾國東有河，薄洛之水，與齊中山同之，無舟楫之用。自常山以至代上黨，東有燕東胡之境，而西有樓煩秦韓之邊。今

無騎射之備。故寡人無舟楫之用。夾水居之民。將何以守河。薄洛之水。變服騎射。以備燕三胡。秦韓之邊。且昔者簡主不塞晉陽。以及上黨。而襄主并戎。取代以攘諸胡。此愚智所明也。先時中山負齊之彊。兵侵暴吾地。係累吾民。引水圍鄙。微社稷之神靈。則鄙幾於不守也。先王醜之。而怨未能報也。今騎射之備。近可以便上黨之形。而遠可以報中山之怨。而叔順中國之俗。以逆簡襄之意。惡變服之名。以忘鄙事之隗。非寡

人之所望也。公子成再拜稽首曰。臣愚不達於王之義。敢道世俗之聞。臣之臯也。今王將繼簡襄之意。以順先王之志。臣敢不聽命乎。再拜稽首。乃賜胡服。明日服而朝。於是始出胡服令也。次第十行發將來趙文趙造周紹趙俊皆諫止王毋胡服如故法。便王曰。先王不同俗。何古之法。帝王不相襲。何禮之循。處戲神農。教而不誅。黃帝堯舜。誅而不怒。及至三王。隨時制法。因事制禮。法度制令。各順其宜。衣服器械。各便其用。故禮也不必一道。

而便國不必古，聖人之興也不相襲，而王夏殷之衰也不易禮而滅然，則反古未可，非而循禮未足多也。且服奇者志淫，則是鄒魯無奇行也。俗僻者民易，則是吳越無秀士也。且聖人利身謂之服，便事謂之禮。夫進退之節，衣服之制者，所以齊常民也，非所以論賢者也。故齊民與俗流，賢者與變俱，故諺曰：以書御者，不盡馬之情；以古制今者，不達事之變。循法之功，不足以高世；法古之弊，不足以制今。子不及也。遂胡服招

騎射。二十年，王畧中山地，至寧葭，西畧胡地，至榆中。林胡王獻馬，歸使樓緩之秦，仇液之韓，王責之楚，富丁之魏，趙爵之齊。代相趙固主胡，致其兵。二十一年，攻中山。趙紹為右軍，許鈞為左軍，公子章為中軍，王并將之。牛翦將車騎，趙希并將胡代。趙與之陘，合軍曲陽，攻取丹丘、華陽、鴟之塞。王軍取鄣石邑，封龍東垣。中山獻四邑，和王許之，罷兵。二十三年，攻中山。二十五年，惠后卒，使周紹胡服。傳王子何。二十六年，復攻中

山攘地北至燕代西至雲中九原二十七年五月戊申大朝於東宮傳國立王子何以為王王廟見禮畢出臨朝大夫悉為臣肥義為相國并傳王是為惠文王惠文王惠后吳娃子也武靈王自號為主父主父欲令子主治國而身胡服將士大夫西北畧胡地而欲從雲中九原直南襲秦於是詐自為使者入秦秦昭王不知已而督其狀甚偉非人臣之度使人逐之而主父馳已脫關矣審問之乃主父也秦人大驚主父所

以入秦者欲自畧地形因觀秦王之為人也惠文王二年主父行新地遂出代西遇樓煩王於西河而致其兵三年滅中山遷其王於膚施起靈壽北地方從代道大通還歸行賞大赦置酒酺五日封長子章為代安陽君章素侈心不服其弟所立主父又使田不禮相章也李兌謂肥義曰公子章彊壯而志驕黨眾而欲大殆有私乎田不禮之為人也恐殺而驕二人相得必有謀陰賊起一出身徼幸夫小人有欲輕慮淺謀

徒見其利而不顧其害同類相推俱入禍門以
吾觀之必不久矣子任重而勢大亂之所始禍
之所集也子必先患仁者愛萬物而智者備禍
於未形不仁不智何以爲國子奚不稱疾毋出
傳政於公子成母爲怨府母爲禍梯肥義曰不
可昔者主父以王屬義也曰母變而度母異而
慮堅守一心以歿而世義再拜受命而籍之今
畏不禮之難而忘吾籍變孰大焉進受嚴命退
而不全負孰甚焉變負之臣不容於刑諺曰歿

者復生生者不愧吾言已在前矣吾欲全吾言
安得全吾身且夫貞臣也難至而節見忠臣也
累至而行明子則有賜而忠我矣雖然吾有語
在前者也終不敢失李兌曰諾子勉之矣吾見
子已今年耳涕泣而出李兌數見公子成以備
田不禮之事異日肥義謂信期曰公子與田不
禮甚可憂也其於義也聲善而實惡此爲人也
不子不臣吾聞之也姦臣在朝國之殘也讒臣
在中主之蠹也此人貪而欲大內得主而外爲

如兄獻於是驕
心所出

暴矯令為慢以擅一旦之命不難為也禍且逮
國今吾憂之夜而忘寐饑而忘食盜賊出入不
可不備自今以來若有召王者必見吾面我將
先以身當之無故而王乃入信期曰善哉吾得
聞此也四年朝羣臣安陽君亦來朝主父令王
聽朝而自從旁觀窺羣臣宗室之禮見其長子
章儼然也反北面為臣詘於其弟心憐之於是
乃欲分趙而王章於代計未決而輟主父及王
游沙丘異宮公子章即以其徒與田不禮作亂

詐以主父令召王肥義先入殺之高信即與王
戰公子成與李兌自國至乃起四邑之兵入距
難殺公子章及田不禮滅其黨賊而定王室公
子成為相號安平君李兌為司寇公子章之敗
往走主父主父聞之成兌因圍主父宮公子章
死公子成李兌謀曰以章故圍主父即解兵吾
屬夷矣乃遂圍主父令宮中人後出者夷宮中
人悉出主父欲出不得又不得食探爵穀而食
之三月餘而餓死沙丘宮主父定死乃發喪赴

寵主父始末規
盡止于強國人
臣之才畧有餘

是帝上之局最不足

諸侯是時王少成兌專政畏誅故圍主父主父
重而音餘音後人則省之矣
初以長子章為太子後得吳娃愛之為不出者
數歲生子何乃廢太子章而立何為王吳娃死
愛弛憐故太子欲兩王之猶豫未決故亂起以
至父子俱死為天下笑豈不痛乎主父歿惠文
王立立五年與燕鄭易八年城南行唐九年趙
梁將與齊合軍攻韓至魯關下及十年秦自置
為西帝十一年董叔與魏氏伐宋得河陽於魏
秦取梗陽十二年趙梁將攻齊十三年韓齊為

將攻齊公主歿十四年相國樂毅將趙秦韓魏
燕攻齊取靈丘與秦會中陽十五年燕昭王來
見趙與韓魏秦共擊齊齊王敗走燕獨深入取
臨菑十六年秦復與趙數擊齊齊人患之蘇厲
為齊遺趙王書曰臣聞古之賢君其德行非布
於海內也教順非洽於民人也祭祀時享非數
常於鬼神也甘露降時雨至年穀豐熟民不疾
疫衆人善之然而賢主圖之今足下之賢行功
力非數加於秦也怨毒積怒非素深於齊也秦

史記 卷四十三 趙世家 七 大來堂

趙與國以疆徵兵於韓，秦誠愛趙乎？其實憎齊乎？物之甚者，賢主察之。秦非愛趙而憎齊也，欲亡韓而吞二周，故以齊餓天下，恐事之不合，故出兵以劫魏趙，恐天下畏已也，故出質以爲信，恐天下亟反也，故徵兵於韓以威之，聲以德與國，而實伐空韓，臣以秦計爲必出於此。夫物固有勢異而患同者，楚久伐而中山亡，今齊久伐而韓必亡，破齊，王與六國分其利也，亡韓，秦獨擅之，收二周，西取祭器，秦獨私之，賦田計功，王

之獲利，孰與秦多？說士之計曰：韓亡三川，魏亡晉國，市朝未變，而禍已及矣。燕盡齊之北地，去沙丘鉅鹿，歛三百里，韓之上黨，去邯鄲百里，燕秦謀王之河山，間三百里而通矣。秦之上郡近挺關，至於榆中者，千五百里，秦以三郡攻王之上黨，羊腸之西，勾注之南，非王有已。踰勾注，斬常山而守之，三百里而通於燕，代馬胡犬不東下，昆山之玉不出，此三寶者，亦非王有已。王久伐齊，從疆齊攻韓，其禍必至於此。願王孰慮之。

且齊之所以伐者，以事王也。天下屬行以謀王也。燕秦之約成，而兵出有日矣。五國三分王之。地，齊倍五國之約，而殉王之患。西兵以禁疆秦。秦廢帝請服，反高平根葉於魏，反豎分先俞於趙。齊之事王，宜爲上，倭而今乃抵罪。臣恐天下後事王者之不敢自必也。願王執計之也。今王毋與天下攻齊，天下必以王爲義。齊抱社稷而厚事王，天下必盡重王。義王以天下善秦，秦暴王以天下禁之，是一世之名寵，制於王也。於是

趙乃輟謝秦，不擊齊。王與燕王遇，廉頗將攻齊昔陽，取之。十七年，樂毅將趙師攻魏伯陽，而秦怨趙不與已擊齊，伐趙，拔我兩城。十八年，秦拔我石城。王再之衛，東陽決河水，伐魏氏，大潦漳水出。魏冉來相趙。十九年，秦敗我二城。趙與魏伯陽，趙奢將攻齊麥丘，取之。二十年，廉頗將攻齊。王與秦昭王遇西河外。二十一年，趙徙漳水武平西。二十二年，大疫，置公子丹爲太子。二十三年，樓昌將攻魏，幾不能取。十二月，廉頗將攻

幾取之二十四年廉頗將攻魏房子拔之因城而還又攻安陽取之二十五年燕周將攻昌城高唐取之與魏共擊秦秦將白起破我華陽得一將軍二十六年取東胡歐代地二十七年徙漳水武平南封趙豹爲平陽君河水出大滌二十八年藺相如伐齊至平邑罽城北九門大城燕將成安君公孫操弑其王二十九年秦韓相攻而圍闕與趙使趙奢將擊秦大破秦軍闕與下賜號爲馬服君三十三年惠文王卒太子丹

立是爲孝成王孝成王元年秦伐我拔三城趙王新立太后用事秦急攻之趙氏求救於齊齊曰必以長安君爲質兵乃出太后不肯大臣彊諫太后明謂左右曰復言長安君爲質者老婦必唾其面左師觸龍言願見太后太后盛氣而胥之入徐趨而坐自謝曰老臣病足曾不能疾走不得見久矣竊自怨而恐太后體之有所苦也故願望見太后太后曰老婦恃輦而行曰食得毋衰乎曰恃粥耳曰老臣間者殊不欲食乃

左師悟太后不當在言語上看之全在舉止進退有關自有節矣一段迂態歎語字字間話步步間情與本事全不相符而一字一步不可省得力處即在於此又妙在一字一步俱從婦人

性情體貼探討

出來老臣一片
為國苦心誠則
生巧可與公仲
事於前而烈候
丈夫也故用正
太后婦人也故
用論

笑字應唾面笑
氣甚妙

疆步日三四里少益嗜食和於身也太后曰老
婦不能太后不和之色少解左師公曰老臣賤
息舒祺最少不肖而臣衰竊憐愛之願得補黑
衣之缺以衛王宮味死以聞太后曰敬諾年幾
何矣對曰十五歲矣雖少願及未填溝壑而託
之太后曰丈夫亦愛憐少子乎對曰甚於婦人
太后笑曰婦人異甚對曰老臣竊以為媼之愛
燕后賢於長安君太后曰君過矣不若長安君
之甚左師公曰父母愛子則為之計深遠媼之

送燕后也持其踵為之泣念其遠也亦哀之矣
已行非不思也祭祀則祝之曰必勿使反豈非
計長久為子孫相繼為王也哉太后曰然左師
公曰今三世以前至於趙主之子孫為侯者其
繼有在者乎曰無有曰微獨趙諸侯有在者乎
曰老婦不聞也曰此其近者禍及其身遠者及
其子孫豈人主之子侯則不善哉位尊而無功
奉厚而無勞而挾重器多也今媼尊長安君之
位而封之以膏腴之地多與之重器而不及今

此段正理無端
插入却又甚
妙妙

令有功於國。一旦山陵崩。長安君何以自託於
趙。老臣以媼爲長安君之計短也。故以爲愛之。
不若燕后。太后曰。諾。恣君之所使之。於是爲長
安君約車百乘。質於齊。齊兵乃出。子義聞之曰。
人主之子。骨肉之親也。猶不能持無功之尊。無
勞之奉。而守金玉之重也。而况於予乎。齊安平
君田單將趙師而攻燕中陽。拔之。又攻韓注人
拔之。二年。惠文后卒。田單爲相。四年。王夢衣偏
褰之衣。乘飛龍上天。不至而墜。見金玉之積如

山。明日王召筮史。敢占之。曰。夢衣偏褰之衣者。
殘也。乘飛龍上天。不至而墜者。有氣而無實也。
見金玉之積如山者。憂也。後三日。韓氏上黨守
馮亭使者至。曰。韓不能守上黨。入之於秦。其吏
民皆安爲趙。不欲爲秦。有城市邑十七。願再拜
入之。趙聽王所以賜吏民。王大喜。召平陽君豹
告之。曰。馮亭入城市邑十七。受之何如。對曰。聖
人甚禍無故之利。王曰。人懷吾德。何謂無故乎。
對曰。夫秦蠶食韓氏地。中絕。不令相通。固自以

爲坐而受上黨之地也。韓氏所以不入於秦者，欲嫁其禍於趙也。秦服其勞，而趙受其利。雖疆大不能得之於小弱，小弱顧能得之於疆大乎。豈可謂非無故之利哉。且夫秦以牛田之水，通糧蠶食，上乘倍戰者，裂上國之地，其政行不可與爲難，必勿受也。王曰：今發自萬之軍而攻踰年，歷歲未得一城也。今以城市邑十七幣吾國，此大利也。趙豹出，王召平原君與趙禹而告之。對曰：發百萬之軍而攻踰歲未得一城，今坐受

城市邑十七，此大利，不可失也。王曰：善。乃令趙勝受地，告馮亭曰：敵國使者臣勝，敵國君使勝致命，以萬戶都三封，太守千戶，都三封，縣令皆世世爲侯，吏民皆益爵三級，吏民能相安，皆賜之六金。馮亭垂涕不見使者，曰：吾不處三不義也。爲主守地不能死，固不義一矣。入之秦，不聽主令，不義二矣。賣主地而食之，不義三矣。趙遂發兵取上黨，廉頗將軍軍長平。七年，廉頗免而趙括代將。秦人圍趙括，趙括以軍降，卒四十餘。

萬皆阬之。王悔不聽趙豹之計，故有長平之禍焉。王還不聽秦，秦圍邯鄲，武垣令傅豹、王容、蘇射率燕衆反燕地。趙以靈丘封楚相春申君，八年平原君如楚請救，還楚來救。及魏公子無忌亦來救，秦圍邯鄲乃解。十年燕攻昌壯，五月拔之。趙將樂乘慶舍攻秦信梁軍，破之。太子死而秦攻西周，拔之。徒父祺出十一年，城元氏，縣上原。武陽君鄭安平死，收其地。十二年邯鄲屠燒十四年，平原君趙勝死。十五年以尉文封相國。

廉頗爲信平君。燕王令丞相栗腹約驪，以五百金爲趙王酒，還觴。報燕王曰：趙氏壯者皆死，長平其孤未壯，可伐也。王召昌國君樂閒而問之。對曰：趙四戰之國也，其民習兵，伐之不可。王曰：吾以衆伐寡，二而伐一，可乎？對曰：不可。王曰：吾即以五而伐一，可乎？對曰：不可。燕王大怒，羣臣皆以爲可。燕卒起二軍，車二千乘，栗腹將而攻鄗，卿秦將而攻代。廉頗爲趙將，破殺栗腹、虜卿秦樂閒。十六年廉頗圍燕，以樂乘爲武襄君。十

七年假相大將武襄君攻燕圍其國十八年延陵鈞率師從相國信平君助魏攻燕秦拔我榆次三十七城十九年趙與燕易土以龍兗汾門臨樂與燕燕以葛武陽平舒與趙二十年秦王政初立秦拔我晉陽二十一年孝成王卒廉頗將攻繁陽取之使樂乘代之廉頗攻樂乘樂乘走廉頗亡入魏子偃立是爲悼襄王悼襄王元年大備魏欲通平邑中牟之道不成二年李牧將攻燕拔武遂方城秦召春平君因而留之泄

鈞爲之謂文信侯曰春平君者趙王甚愛之而郎中妬之故相與謀曰春平君入秦秦必留之故相與謀而內之秦也今君留之是絕趙而郎中之計中也君不如遣春平君而留平都春平君者言行信於王王必厚割趙而贖平都文信侯曰善因遣之城韓臯三年龐煖將攻燕禽其將劇辛四年龐煖將趙楚魏燕之銳師攻秦藪不拔移攻齊取饒安五年傅抵將居平邑慶舍將東陽河外師守河梁六年封長安君以饒魏

與趙鄴九年趙攻燕取狸陽城兵未罷秦攻鄴拔之悼襄王卒子幽繆王遷立幽繆王遷元年城柏人二年秦攻武城扈輒率師救之軍敗死焉三年秦攻赤巖宜安李牧率師與戰肥下却却之五年代地大動自樂徐以西北至平陰臺屋墻垣太平壞地坼東西百三十步六年大饑民譌言曰趙爲號秦爲笑以爲不信視地之生毛七年秦人攻趙趙大將李牧將軍司馬尚將

擊之李牧誅司馬尚免趙忽及齊將顏聚代之趙忽軍破顏聚亡去以王遷降八年十月邯鄲爲秦

太史公曰吾聞馮王孫曰趙王遷其母倡也嬖於悼襄王悼襄王廢適子嘉而立遷遷素無行信讒故誅其良將李牧用郭開豈不謬哉秦旣虜遷趙之亡大夫共立嘉爲王王代六歲秦進兵破嘉遂滅趙以爲郡

燕秦

武公。畢始。簡。樂。士。去。以。王。數。利。入。平。十。月。泚。獮。樂。文。李。外。精。何。誦。尚。京。跋。以。又。神。泚。賊。樂。升。之。

史記卷第四十四

魏世家十四

楚 鍾惺 批評

魏之先畢公高之後也。畢公高與周同姓。武王之伐紂而高封于畢。於是爲畢姓。其後絕封爲庶人。或在中國。或在夷狄。其苗裔曰畢萬。事晉獻公。獻公之十六年。趙夙爲御。畢萬爲右。以伐霍。耿。魏。滅之。以耿封趙夙。以魏封畢萬爲大夫。卜偃曰。畢萬之後必大矣。萬滿數也。魏大名也。

以其始賞天開之矣天子曰兆民諸侯曰萬民
今命之大以從滿數其必有衆初畢萬卜事晉
遇屯之比辛廖占之曰吉屯固比入吉孰大焉
其必蕃昌畢萬封十一年晉獻公卒四子爭更
立晉亂而畢萬之世彌大從其國名爲魏氏生
武子魏武子以魏諸子事晉公子重耳晉獻公
之二十一年武子從重耳出亡十九年反重耳
立爲晉文公而令魏武子襲魏氏之後封列爲
大夫治於魏生悼子魏悼子徙治霍生魏絳魏

絳事晉悼公悼公三年會諸侯悼公第楊干亂
行魏絳修辱楊干悼公怒曰合諸侯以爲榮今
辱吾第將誅魏絳或說悼公悼公止卒任魏絳
政使和戎翟戎翟親附悼公之十一年曰自吾
用魏絳八年之中九合諸侯戎翟和子之力也
賜之樂三讓然後受之徙治安邑魏絳卒謚爲
昭子生魏嬴嬴生魏獻子獻子事晉昭公昭公
卒而六卿彊公室果晉頃公之十二年韓宣子
老魏獻子爲國政晉宗室祁氏羊舌氏相惡六

卿誅之。盡取其邑爲十縣。六卿各令其子爲之。大夫獻子與趙簡子中行文子范獻子竝爲晉卿。其後十四歲而孔子相魯。後四歲趙簡子以晉陽之亂也。而與韓魏共攻范中行氏。魏獻子生魏侈。魏侈與趙鞅共攻范中行氏。魏侈之孫曰魏桓子。與韓康子趙襄子共伐滅知伯。分其地。桓子之孫曰文侯。都魏。文侯元年。秦靈公之元年也。與韓武子趙桓子周威王同時。六年城少梁。十三年使子擊圍繁龐。出其民。十六年伐

秦。築臨晉元里。十七年伐中山。使子擊守之。趙倉唐傅之子擊逢文侯之師。田子方於朝歌引車避下謁。田子方不爲禮。子擊因問曰。富貴者明驕人乎。且貧賤者驕人乎。子方曰。亦貧賤者驕

淺甚

高甚

人耳。夫諸侯而驕人。則失其國。大夫而驕人。則失其家。貧賤者行不令。言不用。則去之。楚越若脫躡然。柰何其同之哉。子擊不釋而去。西攻秦。至鄭而還。築維陰合陽。二十二年魏趙韓列爲諸侯。二十四年秦伐我。至陽狐。二十五年子擊

觀此一語文事始末亦克論相原只重達視其所舉一句蓋達

生子營文侯受子夏經藝客段干木過其閭未嘗不軾也秦嘗欲伐魏或曰魏君賢人是禮國人稱仁上下和合未可圖也文侯由此得譽於諸侯任西門豹守鄴而河內稱治魏文侯謂李克曰先生嘗教寡人曰家貧則思良妻國亂則思良相今所置非成則璜二子何如李克對曰臣聞之卑不謀尊疎不謀戚臣在闕門之外不敢當命文侯曰先生臨事勿讓李克曰君不察故也居視其所親富視其所與達視其所舉窮

之所舉即居之所親富之所與也却將五者並說立言甚妙論其理而不必指其人此對解人言也至李克與文侯一段關係默會尤景千載如見然食祿千鍾十九在外十一在內則四事亦藏其中矣種璜數語亦只強明達視其所舉一句

視其所不為貧視其所不取五者足以定之矣何待克哉文侯曰先生就舍寡人之相定矣李克趨而出過翟璜之家翟璜曰今者聞君召先生而卜相果誰為之李克曰魏成子為相矣翟璜忿然作色曰以耳目之所覩記臣何負於魏成子西河之守臣之所進也君內以鄴為憂臣進西門豹君謀欲伐中山臣進樂羊中山已拔無使守之臣進先生君之子無傳臣進屈侯緡臣何以負於魏成子李克曰且子之言克於子

史記 卷四十四 魏世家 四

之君者豈將比周以求大官哉。君問而置相非成則璜二子何如。克對曰君不察故也。居視其所親富視其所與達視其所舉窮視其所不爲貧視其所不取五者足以定之矣。何待克哉。是以知魏成子之爲相也。且子安得與魏成子比乎。魏成子以食祿千鍾什九在外什一在內是有以東得卜子夏田子方段干木此三人者君皆師之子之所進五人者君皆臣之子惡得與魏成子比也。翟璜逡巡再拜曰璜鄙人也失對願

○以此○爲○得○士○之○本○九

卒爲弟子二十六年號山崩壅河三十二年伐鄭城酸棗敗秦于注三十五年齊伐取我襄陵三十六年秦侵我陰晉三十八年伐秦敗我武下得其將識是歲文侯卒子擊立是爲武侯魏武侯元年趙敬侯初立公子朔爲亂不勝奔魏與魏襲邯鄲魏敗而去二年城安邑王垣七年伐齊至桑丘九年翟敗我于澮使吳起伐齊至襄丘齊威王初立十一年與韓趙三分晉地滅其後十三年秦獻公縣櫟陽十五年攻趙北蘭

十六年伐楚取魯陽武侯卒子罃立是爲惠王
惠王元年初武侯卒也子罃與公中緩爭爲太
子公孫頤自宋入趙自趙入韓謂韓懿侯曰魏
罃與公中緩爭爲太子君亦聞之乎今魏罃得
王錯扶上黨固半國也因而除之破魏必矣不
可失也懿侯說乃與趙成侯合軍并兵以伐魏
戰于濁澤魏氏大敗魏君爲趙謂韓曰除魏君
立公中緩割地而退我且利韓曰不可殺魏君
人必曰暴割地而退人必曰貪不如兩分之魏

分爲兩不彊於宋衛則我終無魏之患矣趙不
聽韓不說以其少卒夜去惠王之所以身不灰
國不分者二家謀不和也若從一家之謀則魏
必分矣故曰君終無適子其國可破也二年魏
敗韓于馬陵敗趙于懷三年齊敗我觀五年與
韓會宅陽城武堵爲秦所敗六年伐取宋儀臺
九年伐敗韓于滄與秦戰少梁虜我將公孫痤
取龐秦獻公卒子孝公立十年伐取趙皮牢羣
星見十二年星晝墜有聲十四年與趙會鄗十

五年魯衛宋鄭君來朝十六年與秦孝公會社
平侵宋黃池宋復與之十七年與秦戰元里秦
取我少梁歸趙邯鄲十八年拔邯鄲趙請救于
齊齊使田忌孫臏救趙敗魏桂林十九年諸侯
圍我襄陵築長城塞因陽二十年歸趙邯鄲與
盟漳水上二十一年與秦會彤趙成侯卒二十
八年齊威王卒中山君相魏三十年魏伐趙趙
告急齊齊宣王用孫子計救趙擊魏魏遂大興
師使龐涓將而令太子申爲上將軍過外黃外

黃徐子謂太子曰臣有百戰百勝之術太子曰
可得聞乎客曰固願効之曰太子自將攻齊大
勝并莒則富不過有魏貴不益爲王若戰不勝
齊則萬世無魏矣此臣之百戰百勝之術也太
子曰諾請必從公之言而還矣客曰太子雖欲
還不得矣彼勸太子戰攻欲啜汁者衆太子雖
欲還恐不得矣太子因欲還其御曰將出而還
與北同太子果與齊人戰敗于馬陵齊虜魏太
子申殺將軍涓軍遂大破三十一年秦趙齊共

史記 卷四十四 大宛列傳
伐我秦將商君詐我將軍公子卬而襲奪其軍
破之秦用商君東地至河而齊趙數破我安邑
近秦於是徙治大梁以公子赫爲太子三十三
年秦孝公卒商君亡秦歸魏魏怒不入三十五
年與齊宣王會平阿南惠王數敗於軍旅卑禮
厚幣以招賢者鄒衍淳于髡孟軻皆至梁梁惠
王曰寡人不佞兵三折於外太子虜上將歿國
以空虛以羞先君宗廟社稷寡人甚醜之叟不
遠千里辱幸至弊邑之廷將何以利吾國孟軻

曰君不可以言利若是夫君欲利則大夫欲利
大夫欲利則庶人欲利上下欲利則國危矣爲
人君仁義而已矣何以利爲三十六年復與齊
王會甄是歲惠王卒子襄王立襄王元年與諸
侯會徐州相王也追尊父惠王爲王五年秦敗
我龍賈軍四萬五千于雕陰圍我焦曲沃予秦
河西之地六年與秦會應秦取我汾陰皮氏焦
魏伐楚敗之陘山七年魏盡入上郡于秦秦降
我蒲陽八年秦歸我焦曲沃十二年楚敗我襄

陵諸侯執政與秦相張儀會齧桑十三年張儀相魏魏有女子化爲丈夫秦取我曲沃平周十六年襄王卒子哀王立張儀復歸秦哀王元年五國共攻秦不勝而去二年齊敗我觀津五年秦使栲里子伐取我曲沃走犀首岸門六年秦求立公子政爲太子與秦會臨晉七年攻齊與秦伐燕八年代衛拔列城二衛君患之如耳見衛君曰請罷魏兵免成陵君可乎衛君曰先生果能孤請世世以衛事先生如耳見成陵君曰

昔者魏伐趙斷羊腸拔閼與約斬趙趙分而爲二所以不亡者魏爲從主也今衛已迫亡將西請事於秦與其以秦驛衛不如以魏驛衛衛之德魏必終無窮成陵君曰諾如耳見魏王曰臣有謁於衛衛故周室之別也其稱小國多寶器今國迫於難而寶器不出者其心以爲攻衛驛衛不以王爲主故寶器雖出必不入於王也臣竊料之先言驛衛者必受衛者也如耳出成陵君入以其言見魏王魏王聽其說罷其兵免成

陵君終身不見九年與秦王會臨晉張儀魏章
皆歸于魏魏相田需歿楚害張儀犀首薛公楚
相昭魚謂蘇代曰田需死吾恐張儀犀首薛公
有一人相魏者也代曰然相者欲誰而君使之
昭魚曰吾欲太子之自相也代曰請爲君北必
相之昭魚曰奈何對曰君其爲梁王代請說君
昭魚曰奈何對曰代也從楚來昭魚甚憂曰田
需歿吾恐張儀犀首薛公有一人相魏者也代
曰梁王長主也必不相張儀張儀相必右秦而

左魏犀首相必右韓而左魏薛公相必右齊而
左魏梁王長主也必不便也王曰然則寡人孰
相代曰莫若太子之自相太子之自相是三人
者皆以太子爲非常相也皆將務以其國事魏
欲得丞相璽也以魏之疆而三萬乘之國輔之
魏必安矣故曰莫若太子之自相也遂北見梁
王以此告之太子果相魏十年張儀死十一年
與秦武王會應十二年太子朝於秦秦來伐我
皮氏未拔而解十四年秦來歸武王后十六年

秦拔我蒲反陽晉封陵十七年與秦會臨晉秦予我蒲反十八年與秦伐楚二十一年與齊韓共敗秦軍函谷二十五年秦復予我河外及封陵爲和哀王卒子昭王立昭王元年秦拔我襄城二年與秦戰我不利三年佐韓攻秦秦將白起敗我軍伊闕二十四萬六年予秦河東地方四百里芒卯以詐重七年秦拔我城大小六十一八年秦昭王爲西帝齊潛王爲東帝月餘皆復稱王歸帝九年秦拔我新垣曲陽之城十年

齊滅宋宋王死我溫十二年與秦趙韓燕共伐齊敗之濟西潛王出亡燕獨入臨菑與秦王會西周十三年秦拔我安城兵到大梁去十八年秦拔郢楚王徙陳十九年昭王卒子安釐王立安釐王元年秦拔我兩城二年又拔我二城軍大梁下韓來救予秦溫以和三年秦拔我四城斬首四萬四年秦破我及韓趙殺十五萬人走我將芒卯魏將段干子請予秦南陽以和蘇代謂魏王曰欲璽者段干子也欲地者秦也今王

史記卷之四
使欲地者制璽使欲璽者制地魏氏地不盡則

不知已且夫以地事秦譬猶抱薪救火薪不盡

火不滅王曰是則然也雖然事始已行不可更

矣對曰王獨不見夫博之所以貴梟者便則食

不便則止矣今王曰事始已行不可更是何王

之用智不如用梟也九年秦拔我懷十年秦太

子外質於魏死十一年秦拔我鄴丘秦昭王謂

左右曰今時韓魏與始孰彊對曰不如始彊王

曰今時如耳魏齊與孟嘗芒卯孰賢對曰不如

王曰以孟嘗芒卯之賢率彊韓魏以攻秦猶無

奈寡人何也今已無能之如耳魏齊而率弱韓

魏以伐秦其無奈寡人何亦明矣左右皆曰甚

然中旗馮琴而對曰王之料天下過矣當晉六

卿之時知氏最彊滅范中行又率韓魏之兵以

圍趙襄子於晉陽決晉水以灌晉陽之城不湛

者三版知伯行水魏桓子御韓康子爲參乘知

伯曰吾始不知水之可以亡人之國也乃今知

之汾水可以灌安邑絳水可以灌平陽魏桓子

史記

肘韓康子、韓康子履魏桓子、肘足接於車上、而知氏地分、身死國亡、爲天下笑。今秦兵雖強、不能過知氏、韓魏雖弱、尚賢其在管陽之下也。此方其用肘足之時也。願王之必勿易也。於是秦王恐齊楚相約而攻魏、魏使人求救於秦、冠蓋相望也。而秦救不至。魏人有唐雎者、年九十餘矣。謂魏王曰：老臣請西說秦王、令兵先臣出魏。王再拜、遂約車而遣之。唐雎到、入見秦王。秦王曰：丈人芒然、乃遠至此、甚苦矣。夫魏之來求救

數矣、寡人知魏之急已。唐雎對曰：大王已知魏之急而救不發者、臣竊以爲川策之臣無任矣。夫魏一萬乘之國也、然所以西面而事秦、稱東藩、受冠帶、祠春秋者、以秦之彊足以爲與也。今齊楚之兵已合於魏郊矣、而秦救不發、亦將賴其未急也。使之太急、彼且割地而約從、王尚何救焉。必待其急而救之、是失一東藩之魏、而彊二敵之齊楚、則王何利焉。於是秦昭王遽爲發兵救魏。魏氏復定。趙使人謂魏王曰：爲我殺范

信陵君魏王所
可垂涕泣而道

座吾請獻七十里之地。魏王曰：諾。使吏捕之，圍而未殺。座因上屋騎危，謂使者曰：與其以死，座市不如以生。座市有如座死，趙不予王地，則王將奈何？故不若與先定割地，然後殺座。魏王曰：善。座因上書信陵君曰：座故魏之免相也。趙以地殺座，而魏王聽之，有如彊秦亦將襲趙之欲，則君且奈何？信陵君言於王而出之。魏王以秦救之故，欲親秦而伐韓，以求故地。無忌謂魏王曰：秦與戎翟同俗，有虎狼之心，貪戾好利，無信

之平也。其言亦
蘇秦合從之旨
而用意不同。蘇
秦規其利，羈旅
之人，事成共其
利，故其言夸信
陵，覩其密骨肉
之親，事敗共其
禍，故其言痛信
陵。此論不入本
傳，而載魏世家
見魏之存亡係
於此也。可謂觀
其大矣。

不識禮義德行，苟有利焉，不顧親戚兄弟，若禽獸耳。此天下之所識也，非有所施厚積德也。故太后母也，而以憂死；穰侯舅也，功莫大焉，而竟逐之；兩弟無罪，而再奪之國。此於親戚若此，而况於仇讐之國乎？今王與秦共伐韓，而益近秦患，臣甚惑之。而王不識，則不明。羣臣莫以聞，則不忠。今韓氏以一女子，奉一弱主，內有大亂，外交彊秦，魏之兵，王以為不亡乎？韓亡，秦有鄭地，與大梁鄰，王以為安乎？王欲得故地，今負彊秦

史記
魏世家

之親王以爲利乎秦非無事之國也韓亡之後必將更事更事必就易與利就易與利必不伐楚與趙矣是何也夫越山踰河絕韓上黨而攻疆趙是復闕與之事秦必不爲也若道河內倍鄴朝歌絕漳釜水與趙兵決於邯鄲之郊是知伯之禍也秦又不敢伐楚道涉山谷行三千里而攻冥阨之塞所行甚遠所攻甚難秦又不爲也若道河外倍大梁右蔡左召陵與楚兵決於陳郊秦又不敢故曰秦必不伐楚與趙矣又不

攻衛與齊矣夫韓亡之後兵出之日非魏無攻

已。主意在韓亡之後非魏無攻又恐魏謂秦之攻楚趙而不暇及魏也却將秦所以不攻楚趙之故盡情說透而非魏無攻之說其意自明其言自省此先秦文字間力處魯連之說燕將秦申之說秦昭王皆用此法秦固有懷茅邢丘城坭津以臨

河內河內其汲必危有鄭地得垣雍決熒澤水

灌大梁大梁必亡王之使者出過而惡安陵氏

於秦秦之欲誅之久矣秦葉陽昆陽與武陽鄰

聽使者之惡之隨安陵氏而亡之繞舞陽之北

以東臨許南國必危國無害已夫憎韓不愛安

○着○他○膝○力○

陵氏可也。夫不患秦之不愛南國，非也。異日者，秦在河西，晉國去梁千里，有河山以闢之，有周韓以間之，從林鄉軍以至於今，秦七攻魏，五入囿中，邊城盡拔，文臺墮，垂都焚，林木伐，麋鹿盡，而國繼以圍，又長驅梁北，東至陶衛之郊，北至平監，所亡於秦者，山南山北，河外河內，大縣數十，各都數百，秦乃在河西，晉去梁千里，而禍若是矣。又况於使秦無韓，有鄭地，無河山而闢之，無周韓而間之，去大梁百里，禍必由此矣。異日

者從之不成也。楚魏疑而韓不可得也。今韓受兵三年，秦撓之以講，識亡不聽，投質於趙，請爲天下鴈行，頓刃楚趙，必集兵，皆識秦之欲無窮也。非盡亡天下之國，而臣海內，必不休矣。是故臣願以從事王，王速受楚趙之約，趙挾韓之質，以存韓而求故地，韓必效之。此士民不勞而故地得，其功多於與秦共伐韓，而又與彊秦鄰之禍也。夫存韓安魏而利天下，此亦王之天時已。通韓上黨於共，窳使道安城，出入賦之，是魏重

質韓以其上黨也。今有其賦足以富國，韓必德魏。愛魏重魏，畏魏韓必不敢反魏。是韓則魏之縣也，魏得韓以爲縣，備大梁河外必安矣。今不存韓，二周安陵必危，楚趙大破，備齊甚畏，天下西鄉而馳秦，人朝而爲臣，不久矣。二十年秦圍邯鄲，信陵君無忌矯奪將軍管籥兵以救趙，趙得全，無忌因留趙。二十六年秦昭王卒，二十年無忌歸魏，率五國兵攻秦，敗之河內，走蒙驁。魏太子增質於秦，秦怒欲囚魏太子增，或爲增謂

秦王曰：公孫喜固謂魏相曰：請以魏疾擊秦，秦王怒必囚增，魏王又怒擊秦，秦必傷。今王囚增，是喜之計中也。故不若貴增而令魏以疑之於齊韓，秦乃止增。三十一年秦王政初立，三十四年安釐王卒，太子增立，是爲景湣王。信陵君無忌卒。景湣王元年，秦拔我二十城以爲秦東郡。二年秦拔我朝歌，衛徙野王。三年秦拔我汲。五年秦拔我垣，蒲陽衍。十五年景湣王卒，子王假立。王假元年，燕太子丹使荊軻刺秦王，秦王覺

此正悲魏不用
信陵以亡其國
而為此誕語也
頗本傳自知之
古人文字反說
處今人之不解

之三年秦灌大梁虜王假遂滅魏以爲郡縣
太史公曰吾適故大梁之墟墟中人曰秦之破
梁引河溝而灌大梁三月城壞王請降遂滅魏
說者皆曰魏以不用信陵君故國削弱至於亡
余以爲不然天方令秦平海內其業未成魏雖
得阿衡之佐曷益乎

史記卷第四十四

史記卷第四十五

楚 鍾惺 批評

韓世家十五

韓之先與周同姓姓姬氏其後苗裔事晉得封
於韓原曰韓武子武子後三世有韓厥從封姓
爲韓氏韓厥晉景公之二年晉司寇屠岸賈將
作亂誅靈公之賊趙盾趙盾已死矣欲誅其子
趙朔韓厥止賈賈不聽厥告趙朔令亾朔曰子
必能不絕趙祀死不恨矣韓厥許之及賈誅趙

氏厥稱疾不出程嬰公孫杵臼之藏趙孤趙武

也補○補○世○家○所○未○及厥知之景公十一年厥與卻克將兵八百乘

伐齊鼓齊頃公詐齊獲逢丑父於是晉作六卿

而韓厥在一卿之位號爲獻子晉景公十七年

病卜大業之不遂者爲祟韓厥稱趙成季之功

今後無祀以感景公景公問曰尚有世乎厥於

是言趙武而復與故趙氏田邑續趙氏祀晉悼

公之十年韓獻子老獻子卒子宣子代宣子徙

居州晉平公十四年吳季札使晉曰晉國之政

卒歸於韓魏趙矣晉頃公十二年韓宣子與趙

魏共分祁氏羊舌氏十縣晉定公十五年宣子

與趙簡子侵伐范中行氏宣子卒子貞子代立

貞子徙居平陽貞子卒子簡子代簡子卒子莊

子代莊子卒子康子代康子與趙襄子魏桓子

共敗知伯分其地地益大犬於諸侯康子卒子

武子代武子二年伐鄭殺其君幽公十六年武

子卒子景侯立景侯虔元年伐鄭取雍丘二年

鄭敗我負黍六年與趙魏俱得列爲諸侯九年

史記

鄭圍我陽翟景侯卒子列侯取立列侯三年聶政殺韓相俠累九年秦伐我宜陽取六邑十三年列侯卒子文侯立是歲魏文侯卒文侯二年伐鄭取陽城伐宋到彭城執宋君七年伐齊至桑丘鄭反晉九年伐齊至靈丘十年文侯卒子哀侯立哀侯元年與趙魏分晉國二年滅鄭因徙都鄭六年韓嚴弑其君哀侯而子懿侯立懿侯二年魏敗我馬陵五年與魏惠王會宅陽九年魏敗我澮十一年懿侯卒子昭侯立昭侯元

年秦敗我西山二年宋取我黃池魏取宋六年伐東周取陵觀邢丘八年申不害相韓修術行道國內以治諸侯不來侵代十年韓姬弑其君悼公十一年昭侯如秦二十二年申不害死二十四年秦來拔我宜陽二十五年旱作高門屈宜白曰昭侯不出此門何也不時吾所謂時者非時日也人固有利不利時昭侯嘗利矣不作高門往年秦拔宜陽今年旱昭侯不以此時郵民之急而顧益奢此謂時紬舉羸二十六年高

門成昭侯卒果不出此門子宣惠王立宣惠王
五年張儀相秦八年魏敗我將韓舉十一年君
號爲王與趙會區鼠十四年秦伐敗我鄆十六
年秦敗我修魚虜得韓將鯁申差於濁澤韓氏
急公仲謂韓王曰與國非可恃也今秦之欲伐
楚久矣王不如因張儀爲和於秦賂以一名都
具甲與之南伐楚此以一易二之計也韓王曰
善乃警公仲之行將西購於秦楚王聞之大恐
召陳軫告之陳軫曰秦之欲伐楚久矣今又得

韓之名都一而具甲秦韓并兵明伐楚此秦所
禱祀而求也今已得之矣楚國必伐矣王聽臣
爲之警四境之內起師言救韓命戰車滿道路
發信臣多其車重其幣使信王之救已也縱韓
不能聽我韓必德王也必不爲馬行以來是秦
韓不和也兵雖至楚不大病也爲能聽我絕和
於秦秦必大怒以厚怨韓韓之南交楚必輕秦
輕秦其應秦必不敬是因秦韓之兵而免楚國
之患也楚王曰善乃警四境之內興師言救韓

命戰車滿道路發信臣多其車重其幣謂韓王曰不殺國雖小已悉發之矣願大國遂肆志於秦不殺將以楚徇韓韓王聞之大說乃止公仲之行公仲曰不可夫以實伐我者秦也以虛名救我者楚也王恃楚之虛名而輕絕疆秦之敵王必爲天下大笑且楚韓非兄弟之國也又非素約而謀伐秦也已有伐形因發兵言救韓此必陳軫之謀也且王已使人報於秦矣今不行是欺秦也夫輕欺疆秦而信楚之謀臣恐王必

悔之韓王不聽遂絕於秦秦因大怒益甲伐韓大戰楚救不至韓十九年大破我岸門太子倉質於秦以和二十一年與秦共攻楚敗楚將屈丐斬首八萬於丹陽是歲宣惠王卒太子倉立是爲襄王襄王四年與秦武王會臨晉其秋秦使甘茂攻我宜陽五年秦拔我宜陽斬首六萬秦武王卒六年秦復與我武遂九年秦復取我武遂十年太子嬰朝秦而歸十一年秦伐我取穰與秦伐楚敗楚將唐昧十二年太子嬰死公

子咎公子蟣虱爭爲太子時蟣虱質於楚蘇代謂韓咎曰蟣虱亾在楚楚王欲內之甚今楚兵十餘萬在方城之外公何不令楚王築萬室之都雍氏之旁韓必起兵以救之公必將矣公因以韓楚之兵奉蟣虱而內之其聽公必矣必以楚韓封公也韓咎從其計楚圍雍氏韓求救於秦秦未爲發使公孫昧入韓公仲曰子以秦爲且救韓乎對曰秦王之言曰請道南鄭藍田出兵於楚以待公殆不合矣公仲曰子以爲果乎

對曰秦王必祖張儀之故智楚威王攻梁也張儀謂秦王曰與楚攻魏魏折而入於楚韓固其與國也是孤秦也不如出兵以到之魏楚大戰秦取西河之外以歸今其狀陽言與韓其實陰善楚公待秦而到必輕與楚戰楚陰得秦之不用也必易與公相支也公戰而勝楚遂與公乘楚施三川而歸公戰不勝楚楚塞三川守之公不能救也竊爲公患之司馬庚三反於郢甘茂與昭魚遇於商於其言收璽實類有約也公仲

史記卷四十五 韓世家
大東堂
恐曰然則奈何曰公必先韓而後秦先身而後張儀公不如亟以國合於齊楚齊楚必委國於公公之所惡者張儀也其實猶不無秦也於是楚解雍氏圍蘇代又謂秦太后弟芊戎曰公叔伯嬰恐秦楚之內熾虱也公何不爲韓求質於楚楚王聽入質子於韓則公叔伯嬰知秦楚之不以熾虱爲事必以韓合於秦楚秦楚挾韓以窘魏魏氏不敢合於齊是齊孤也公又爲秦求質子於楚楚不聽怨結於韓韓挾齊魏以圍楚

楚必重公公挾秦楚之重以積德於韓公叔伯嬰必以國待公於是熾虱竟不得歸韓韓立咎爲太子齊魏王來十四年與齊魏王共擊秦至函谷而軍焉十六年秦與我河外及武遂襄王卒太子咎立是爲釐王釐王三年使公孫喜率周魏攻秦秦敗我二十四萬虜喜伊闕五年秦拔我宛六年與秦武遂地二百里十年秦敗我師于夏山十二年與秦昭王會西周而佐秦攻齊齊敗潛王出亡十四年與秦會兩周間二十

一年使暴戾救魏爲秦所敗蘇走開封二十三年趙魏攻我華陽韓告急於秦秦不救韓相國謂陳筮曰事急願公雖病爲一宿之行陳筮見穰侯穰侯曰事急乎故使公來陳筮曰未急也穰侯怒曰是可以爲公之主使乎夫冠蓋相望告敝邑甚急公來言未急何也陳筮曰彼韓急則將變而佗從以未急故復來耳穰侯曰公無見王請令發兵救韓八日而至敗趙魏於華陽之下是歲釐王卒子桓惠王立桓惠王元年代

燕九年秦拔我陘城汾旁十年秦擊我於太行我上黨郡守以上黨郡降趙十四年秦拔趙上黨殺馬服子卒四十餘萬於長平十七年秦拔我陽城負黍二十二年秦昭王卒二十四年秦拔我城卑滎陽二十六年秦悉拔我上黨二十九年秦拔我十三城三十四年桓惠王卒子王安立王安五年秦攻韓韓急使韓非使秦秦留非因殺之九年秦虜王安盡入其地爲潁川郡韓遂亡

太史公曰韓厥之感晉景公紹趙孤之子武以成程嬰公孫杵臼之義此天下之陰德也韓氏之功於晉未覩其大者也然與趙魏終為諸侯十餘世宜乎哉

史記卷第四十六

楚 鍾惺 批評

田敬仲完世家十六

陳完者陳厲公佗之子也完生周太史過陳陳厲公使卜完卦得觀之否是為觀國之光利用賓于王此其代陳有國乎不在此而在異國乎非此其身也在其子孫若在異國必姜姓姜姓四嶽之後物莫能兩大陳衰此其昌乎厲公者陳文公少子也其母蔡女文公卒厲公兄鮑立

是爲桓公。桓公與佗異母。及桓公病，蔡人爲佗殺桓公。鮑及太子免而立佗爲厲公。厲公既立，娶蔡女。蔡女淫於蔡人，數歸厲公，亦數如蔡。桓公之少子林怨厲公，殺其父與兄，乃令蔡人誘厲公而殺之。林自立，是爲莊公。故陳完不得立，爲陳大夫。厲公之殺，以淫出國。故春秋曰：蔡人殺陳佗，罪之也。莊公卒，立弟杵臼，是爲宣公。宣公十一年，殺其太子禦寇。禦寇與完相愛，恐禍及已，完故奔齊。齊桓公欲使爲卿，辭曰：羈旅之

臣幸得免負檐君之惠也，不敢當高位。桓公使

爲工正。齊懿仲欲妻完，卜之，占曰：是謂鳳皇于

蜚，和鳴鏘鏘，有媯之後，將育于姜。五世其昌，並

于正卿。八世之後，莫之與京。卒，妻完。完之奔齊，

齊桓公立十四年矣。完卒，謚爲敬仲。仲生穉孟

夷，敬仲之如齊，以陳字爲田氏。田穉孟夷生潛

孟莊，田潛孟莊生文子須無。田文子事齊莊公，

晉之大夫欒逞作亂於晉，來奔齊。齊莊公厚客

之，晏嬰與田文子諫，莊公弗聽。文子卒，生桓子

無宇田桓子無宇有力事齊莊公甚有寵無宇
卒生武子開與釐子乞田釐子乞事齊景公爲
大夫其收賦稅於民以小丰受之其粟予民以
大夫行陰德於民而景公弗禁○樂○祭○廟○曰○由此田氏得齊
衆心宗族益彊民思田氏○不可無此二諫晏子數諫景公景公
弗聽已而使於晉與叔向私語曰齊國之政其
卒歸於田氏矣晏嬰卒後范中行氏反晉晉攻
之急范中行請粟於齊田乞欲爲亂樹黨於諸
侯乃說景公曰范中行數有德於齊齊不可不

救齊使田乞救之而輸之粟景公太子死後有
寵姬曰芮子生子荼景公病命其相國惠子與
高昭子以子荼爲太子景公卒兩相高國立荼
是爲晏孺子而田乞不說欲立景公佗子陽生
陽生素與乞歡晏孺子之立也陽生奔魯田乞
僞事高昭子國惠子者每朝代參乘言曰始諸
大夫不欲立孺子孺子既立君相之大夫皆自
危謀作亂又給大夫曰高昭子可畏也及未發
先之諸大夫從之田乞鮑牧與大夫以兵入公

室攻高昭子，昭子聞之，與國惠子救公。公師敗，田乞之衆追國惠子，惠子奔莒，遂反殺高昭子。晏孺子奔魯，田乞使人之魯迎陽生。陽生至齊，匿田乞家，請諸大夫曰：「常之母有魚菽之祭，幸而來會飲。」會飲，田氏田乞盛陽生橐中，置坐中央。發橐，出陽生，曰：「此乃齊君矣。」大夫皆伏謁，將盟立之。田乞誣曰：「吾與鮑牧謀共立陽生也。」鮑牧怒曰：「大夫忘景公之命乎？諸大夫欲悔陽生，乃頓首曰：『可則立之，不可則已。』」鮑牧恐禍及已。

齊魯春秋

乃復曰：「皆景公之子，何爲不可？」遂立陽生於田乞之家，是爲悼公。乃使人遷晏孺子於駘，而殺孺子荼。悼公旣立，田乞爲相，專齊政。四年，田乞卒，子常代立，是爲田成子。鮑牧與齊悼公有郟，弑悼公。齊人共立其子壬，是爲簡公。田常成子與監止俱爲左右相，相簡公。田常心害監止，監止幸於簡公，權弗能去。於是田常復修釐子之政，以大斗出貸，以小斗收。齊人歌之曰：「姬乎采芑，歸乎田成子。」齊大夫朝，御鞅諫簡公曰：「田監

史記 卷四十六 田敬仲完世家 四 大來堂

不可竝也。君其擇焉。君弗聽。子我者，監止之宗人也。常與田氏有郤。田氏疏族田豹，事子我。有寵。子我曰：吾欲盡滅田氏，適以豹代田氏宗。豹曰：臣於田氏疏矣，不聽已。而豹謂田氏曰：子我將誅田氏，田氏弗先禍及矣。子我舍公宮，田常兄弟四人乘如公宮，欲殺子我。子我閉門，簡公與婦人飲檀臺，將欲擊田常。太史子餘曰：田常非敢爲亂，將除害。簡公乃止。田常出，聞簡公怒，恐誅，將出亡。田子行曰：需事之賊也。田常於是

擊子我，子我率其徒攻田氏，不勝，出亾。田氏之徒追殺子我及監止。簡公出奔，田氏之徒追執簡公於徐州。簡公曰：蚤從御鞅之言，不及此難。田氏之徒恐簡公復立而誅已，遂弑簡公。簡公立四年而殺，於是田常立。簡公弟鶯是爲平公。平公即位，田常爲相。田常旣殺簡公，懼諸侯共誅已，乃盡歸魯衛侵地。西約晉韓魏趙氏，南通吳越，之使修功，行賞親於百姓。以故齊復定。田常言於齊平公曰：德施人之所欲，君其行之。刑

罰人之所惡。臣請行之。行之五年，齊國之政皆歸田常。田常於是盡誅鮑晏監止及公族之彊者，而割齊自安平以東至琅邪，自爲封邑。封邑大於平公之所食。田常乃選齊國中女子長七尺以上爲後宮。後宮以百數，而使賓客舍人出入後宮者不禁。及田常卒，有七十餘男。田常卒，子襄子盤代立，相齊。常謚爲成子。田襄子既相，齊宣公、三晉殺智伯，分其地。襄子使其兄弟宗人盡爲齊都邑大夫，與三晉通使，且以有齊國。

襄子卒，子莊子自立。田莊子相齊。宣公四十四年，伐晉，毀黃城，圍陽狐。明年，伐魯，葛及安陵。明年，取魯之一城。莊子卒，子太公和立。田太公相齊。宣公四十八年，取魯之郟。明年，宣公與鄭人會西城，伐衛，取毋丘。宣公五十一年，卒。田會自廩丘反。宣公卒，子康公貸立。貸立十四年，淫於酒，婦人不聽政。太公乃遷康公於海上，食一城，以奉其先祀。明年，魯敗齊平陸。三年，太公與魏文侯會濁澤，求爲諸侯。魏文侯乃使

使言周天子及諸侯請立齊相田和爲諸侯周天子許之康公之十九年田和立爲齊侯列於周室紀元年齊侯太公和立二年和卒子桓公午立桓公午五年秦魏攻韓韓求救於齊齊桓公召大臣而謀曰蚤救之孰與晚救之騶忌曰不若勿救叔于朋曰不救則韓且折而入於魏不若救之田臣思曰過矣君之謀也秦魏攻韓楚趙必救之是天以燕予齊也桓公曰善乃陰告韓使者而遣之韓自以爲得齊之救因與秦

仍稱太公音

齊威王

魏戰楚趙聞之果起兵而救之齊因起兵襲燕國取桑丘六年救衛桓公卒子威王因齊立是歲故齊康公卒絕無後奉邑皆入田氏齊威王元年三晉因齊喪來伐我靈丘三年三晉滅晉後而分其地六年魯伐我入陽關晉伐我至博陵七年衛伐我取薛陵九年趙伐我取甄威王初卽位以來不治委政卿大夫九年之間諸侯竝伐國人不治於是威王召卽墨大夫而語之曰自子之居卽墨也毀言日至然吾使人視卽

史記

卷四十七

田敬仲完世家

七

齊威王

墨、田野闢、民人給、官無留事、東方以寧、是子不
事吾左右以求譽也。封之萬家、召阿大夫、語曰
自子之守阿、譽言日聞、然使使視阿、田野不闢
民貧苦、昔日趙攻魏、子弗能救、衛取薛陵、子弗
知、是子以幣厚吾左右以求譽也。是日烹阿大
夫及左○此○何○要○緊○當譽者皆并烹之。遂起兵西擊趙、衛
敗魏於濁澤、而圍惠王。惠王請獻觀以和解。趙
人歸我長城、於是齊國震懼、人人不敢飾非、務
盡其誠。齊國大治、諸侯聞之、莫敢致兵於齊。

十餘年、騶忌子以鼓琴見威王。威王說而舍之。
右室須臾、王鼓琴、騶忌子推戶入曰、善哉鼓琴。
王勃然不說、去琴、按劍曰、夫子見容未察、何以
知其善也。騶忌子曰、夫大弦濁以春、溫者君也。
小弦廉折以清者、相也。○六○字○深○妙○攫之深、醜之愉者、政令
也。鈞諧以鳴、大小相益、回邪而不相害者、四時
也。吾是以知其善也。王曰、善。語音。騶忌子曰、何
獨語音。夫治國家而徇人民、皆在其中。王又勃
然不說曰、若夫語五音之紀、信未有如夫子者。

也若夫治國家而弭人民又何爲乎絲桐之間
騶忌子曰夫大茲濁以春溫者君也小弦廉折
以清者相也攫之深而醜之倫者政令也鈞諧
以鳴大小相益回邪而不相害者四時也夫復
而不亂者所以治昌也連而徑者所以存亾也
故曰琴音調而天下治夫治國家而弭人民者
無若乎五音者王曰善騶忌子見三月而受相
印淳于髡見之曰善說哉髡有愚志願陳諸前
騶忌子曰謹受教淳于髡曰得全全昌失全全

三自其名改策
一自其名改策
二自其名改策
三自其名改策
四自其名改策
五自其名改策
六自其名改策
七自其名改策
八自其名改策
九自其名改策
十自其名改策

亾騶忌子曰謹受令請謹毋離前淳于髡曰豨
膏棘軸所以爲滑也然而不能運方穿騶忌子
曰謹受令請謹事左右淳于髡曰弓膠昔幹所
以爲合也然而不能傳合疏罅騶忌子曰謹受
令請謹自附於萬民淳于髡曰狐裘雖弊不可
補以黃狗之皮騶忌子曰謹受令請謹擇君子
毋雜小人其間淳于髡曰大車不較不能載其
常任琴瑟不較不能成其五音騶忌子曰謹受
令請謹修法律而督姦吏淳于髡說畢趨出至

史記
卷四
田敬仲先世家

門而面其僕曰是人者吾語之微言五其應我若響之應聲是人必封不久矣居期年封以下邳號曰成侯威王二十三年與趙王會平陸二十四年與魏王會田于郊魏王問曰王亦有寶乎威王曰無有梁王曰若寡人國小也尚有徑寸之珠照車前後各十二乘者十枚奈何以萬乘之國而無寶乎威王曰寡人之所以爲寶與王異吾臣有檀子者使守南城則楚人不敢爲寇東取泗上十二諸侯皆來朝吾臣有盼子者

使守高唐則趙人不敢東漁於河吾吏有黔夫者使守徐州則燕人祭北門趙人祭西門徙而從者七千餘家吾臣有羶首者使備盜賊則道不拾遺將以照千里豈特十二乘哉梁惠王慙不懌而去二十六年魏惠王圍邯鄲趙求救於齊齊威王召大臣而謀曰救趙孰與勿救騶忌子曰不如勿救段干朋曰不救則不義且不利威王曰何也對曰夫魏氏并邯鄲其於齊何利哉且夫救趙而軍其郊是趙不伐而魏全也故

不如南攻襄陵以弊魏。邯鄲拔而乘魏之弊，威王從其計。其後成侯驪忌與田忌不善，公孫閱謂成侯忌曰：「公何不謀伐魏？田忌必將戰，勝有功，則公之謀中也。戰不勝，非前歿則後北，而命在公矣。」於是成侯言威王，使田忌南攻襄陵，十月邯鄲拔，齊因起兵擊魏，大敗之。桂陵於是齊最強於諸侯，自稱爲王。以令天下。三十三年，殺其大夫牟辛。三十五年，公孫閱又謂成侯忌曰：「公何不令人操十金卜於市？」曰：「我田忌之人也。」

吾三戰而三勝，聲威天下，欲爲大事，亦吉乎？不吉乎？卜者出，因令人捕爲之卜者，驗其辭於王之所。田忌聞之，因遂率其徒襲攻臨淄，求成侯不勝而奔。三十六年，威王卒，子宣王辟疆立。宣王元年，秦用商鞅，周致伯於秦。孝公二年，魏伐趙，趙與韓親，共擊魏。趙不利，戰於南梁。宣王召田忌復故位，韓氏請救于齊。宣王召大臣而謀曰：「蚤救孰與晚救？」驪忌子曰：「不如勿救。」田忌曰：「弗救則韓且折而入於魏，不如蚤救之。」孫子曰：

夫韓魏之兵未弊而救之是吾代韓受魏之兵顧反聽命於韓也且魏有破國之志韓見亾必東面而愬於齊矣吾因深結韓之親而晚承魏之幣則可重利而得尊名也宣王曰善乃陰告韓之使者而遣之韓因恃齊五戰不勝而東委國於齊齊因起兵使田忌田嬰將孫子爲帥救韓趙以擊魏大敗之馬陵殺其將龐涓虜魏太子申其後三晉之王皆因田嬰朝齊王於博望盟而去七年與魏王會平阿南明年復會甄魏

惠王卒明年與魏襄王會徐州諸侯相王也十年楚圍我徐州十一年與魏伐趙趙決河水灌齊魏兵罷十八年秦惠王稱王宣王喜文學游說之士自如騶衍淳于髡田駢接子慎到環淵之徒七十六人皆賜列第爲上大夫不治而議論是以齊稷下學士復盛且數百千人十九年宣王卒子湣王地立湣王元年秦使張儀與諸侯執政會于齧桑三年封田嬰於薛四年迎婦于秦七年與宋攻魏敗之觀津十二年攻魏楚

圍雍氏秦敗屈丐蘇代謂田軫曰臣願有謁於公其爲事甚完使楚利公成爲福不成亦爲福今者臣立於門客有言曰魏王謂韓馮張儀曰馮張儀將拔齊兵又進子來救寡人則可矣不救寡人寡人弗能拔此特轉辭也秦韓之兵毋東旬餘則魏氏轉韓從秦秦遂張儀交臂而事齊楚此公之事成也田軫曰奈何使無東對曰韓馮之救魏之辭必不謂韓王曰馮以爲魏必曰馮將以秦韓之兵東却齊宋韓因搏三國之兵

乘屈丐之弊南割於楚故地必盡得之矣張儀救魏之辭必不謂秦王曰儀以爲魏必曰儀且以秦韓之兵東距齊宋儀將搏三國之兵乘屈丐之弊南割於楚名存亾國實伐三川而歸此王業也公令楚王與韓氏地使秦制和謂秦王曰請與韓地而王以施三川韓氏之兵不用而得地於楚韓馮之東兵之辭且謂秦何曰秦兵不用而得三川伐楚韓以窘魏魏氏不敢東是孤齊也張儀之東兵之辭且謂何曰秦韓欲地

而兵有案聲威發於魏魏氏之欲不失齊楚者
有資矣魏氏轉秦韓爭事齊楚楚王欲而無與
地公令秦韓之兵不用而得地有一大德也秦
韓之王劫於韓馮張儀而東兵以徇服魏公常
執左券以責於秦韓此其善於公而惡張子多
資矣十三年秦惠王卒二十三年與秦擊敗楚
於重丘二十四年秦使涇陽君質於齊二十五
年歸涇陽君于秦孟嘗君辭文入秦即相秦文
亾去二十六年齊與韓魏共攻秦至函谷軍馮

二十八年秦與韓河外以和兵罷二十九年趙
殺其主父齊佐趙滅中山三十六年王爲東帝
秦昭王爲西帝蘇代自燕來入齊見於章華東
門齊王曰嘻善子來秦使魏冉致帝子以爲何
如對曰王之問臣也卒而患之所從來微願王
受之而勿備稱也秦稱之天下安之王乃稱之
無後也且讓爭帝名無傷也秦稱之天下惡之
王因勿稱以收天下此大資也且天下立兩帝
王以爲天下尊齊乎尊秦乎王曰尊秦曰釋帝

天下愛齊乎愛秦乎王曰愛齊而憎秦曰兩帝
立約伐趙孰與伐桀宋之利王曰伐桀宋利對
曰夫約鈞然與秦爲帝而天下獨尊秦而輕齊
釋帝則天下愛齊而憎秦伐趙不如伐桀宋之
利故願王明釋帝以收天下倍約賓秦無尊重
而王以其間舉宋夫有宋衛之陽地危有濟西
趙之阿東國危有滌北楚之東國危有陶平陸
梁門不開釋帝而貸之以伐桀宋之事國重而
名尊燕楚所以形服天下莫敢不聽此湯武之

舉也敬秦以爲名而後使天下憎之此所謂以
卑爲尊者也願王孰慮之於是齊去帝復爲王
秦亦去帝位三十八年伐宋秦昭王怒曰吾愛
宋與愛新城陽晉同韓聶與吾友也而攻吾所
愛何也蘇代爲齊謂秦王曰韓聶之攻宋所以
爲王也齊疆輔之以宋楚魏必恐恐必西事秦
是王不煩一兵不傷一士無事而割安邑也此
韓聶之所禱於王也秦王曰吾患齊之難知一
從一衡其說何也對曰天下國令齊可知乎齊

以攻宋其知事秦以萬乘之國自輔不西事秦則宋治不安中國白頭游敖之士皆積智欲離齊秦之交伏式結軼東馳者未有一人言善齊者也伏式結軼西馳者未有一人言善秦者也何則皆不欲齊秦之合也何晉楚之智而齊秦之愚也晉楚合必讎齊秦齊秦合必圖晉楚請以此決事秦王曰諾於是齊遂伐宋宋王出亾死於溫齊南割楚之淮北西侵三晉欲以并周室爲天子泗上諸侯鄒魯之君皆稱臣諸侯恐

懼三十九年秦來伐拔我列城九四十年燕秦楚三晉合謀各出銳師以伐敗我濟西王解而却燕將樂毅遂入臨淄盡取齊之寶藏器潛王出亾之衛衛君辟宮舍之稱臣而其具潛王不遜備人侵之潛王去走鄒魯有驕色鄒魯君弗內遂走莒楚使淖齒將兵救齊因相齊潛王淖齒遂殺潛王而與燕共分齊之侵地鹵器潛王之遇殺其子法章變名姓爲莒太史敫家庸太史敫女奇法章狀貌以爲非恒人憐而常竊衣

君王后與錯也
不自嫁何以爲
君王后於太史
敷一段正氣王
論不可不存

食之。而與私通焉。淖齒既以去莒。莒中人及齊
臣相聚。求潛王子。欲立之。法章懼其誅已也。
久之。乃敢自言。我潛王子也。於是莒人共立法
章。是爲襄王。以保莒城。而布告齊國中。王已立
在莒矣。襄王既立。立太史氏女爲王后。是爲君
王后。生子建。太史敷曰。女不取媒。因自嫁。非吾
種也。沃吾世。終身不覩君王后。君王后賢。不以
不覩。故失人子之禮。襄王在莒五年。田單以卽
墨攻破燕軍。迎襄王於莒。入臨菑。齊故地盡復

屬齊。齊封田單爲安平君。十四年。秦擊我剛壽。
十九年。襄王卒。子建立。王建立六年。秦攻趙。齊
楚救之。秦計曰。齊楚救趙。親則退兵。不親。遂攻
之。趙無食。請粟於齊。齊不聽。周子曰。不如聽之。
以退秦兵。不聽。則秦兵不却。是秦之計中。而齊
楚之計過也。且趙之於齊楚。扞蔽也。猶齒之有
唇也。唇亡則齒寒。今日亡趙。明日患及齊楚。且
救趙之務。宜若奉漏甕。沃焦釜也。夫救趙。高義
也。却秦兵。顯名也。義救亡國。威却彊秦之兵。不

務爲此而務愛粟爲國計者過矣齊王弗聽秦破趙於長平四十餘萬遂圍邯鄲十六年秦滅周君王后卒二十三年秦置東郡二十八年王入朝秦秦王政置酒咸陽三十五年秦滅韓三十七年秦滅趙三十八年燕使荆軻刺秦王秦王覺殺軻明年秦破燕燕王亡走遼東明年秦滅魏秦兵次於歷下四十二年秦滅楚明年虜代王嘉滅燕王喜四十四年秦兵擊齊齊王聽相后勝計不戰以兵降秦秦虜王建遷之共遂

君后所以不
心者不在事
而在內治其
然君王后
不秦間何以不
入也

滅齊爲郡天下壹并於秦秦王政立號爲皇帝始君王后賢事秦謹與諸侯信齊亦東邊海上秦日夜攻三晉燕楚五國各自救於秦以故王建立四十餘年不受兵君王后死后勝相齊多受秦間金多使賓客入秦秦又多予金賓客皆爲反間勸王去從朝秦不修攻戰之備不助五國攻秦秦以故得滅五國五國已亡秦兵卒入臨淄民莫敢格者王建遂降遷於其故齊人怨王建不早與諸侯合從攻秦聽姦臣賓客以亡其

要緊在此

史記卷第四十六
國歌之曰松耶栢耶住建共者客耶疾建用客
之不詳也

太史公曰蓋孔子晚而喜言易之爲術幽明遠
矣非通人達才孰能注意焉故周太史之卦田
敬仲完占至十世之後及完奔齊懿仲卜之亦
云田乞及常所以比犯二君專齊國之政非必
事勢之漸然也蓋若遵厭兆祥云

史記卷第四十六

三〇字〇〇〇具

十六

大來堂

